

Bosna i Hercegovina
Federacija Bosne i Hercegovine
Tuzlanski kanton
Ministarstvo prostornog uređenja i zaštite okolice

Na osnovu člana 69. Zakona o izvršenju budžeta Tuzlanskog kantona za 2020. godinu („Službene novine Tuzlanskog kantona“ broj: 16/19 i 7/20) i Programa raspodjele namjenskih sredstava Ministarstva prostornog uređenja i zaštite okolice za 2020. godinu, a u skladu sa Odlukom o utvrđivanju uvjeta, kriterija i postupaka za raspodjelu namjenskih sredstava iz ekoloških naknada, Ministarstvo prostornog uređenja i zaštite okolice raspisuje:

JAVNI KONKURS

za dodjelu sredstava neprofitnim organizacijama za sufinansiranje odobrenih IPA projekata

1. Predmet javnog konkursa

Predmet javnog konkursa je prikupljanje prijave neprofitnih organizacija – udruženja za sufinansiranje odobrenih IPA projekata, a čija je djelatnost usmjerena na zaštitu i unapređenje okoliša, a koje se odnose na sljedeće oblasti:

- 1) zaštitu, očuvanje i poboljšanje kvaliteta zraka, tla i voda,
- 2) saniranje deponija i smanjivanje nastajanja otpada,
- 3) zbrinjavanje svih vrsta otpada,
- 4) zaštitu i očuvanje biološke i pejzažne raznolikosti,
- 5) provedbu energetske programe,
- 6) uređenje zelenih javnih površina,
- 7) unapređivanje i izgradnju infrastrukture za zaštitu okoliša,
- 8) poboljšanje praćenja i ocjenjivanja stanja okoliša, te uvođenje sistema upravljanja okolišem,
- 9) poticanje održivog korištenja prirodnih dobara i
- 10) poticanje istraživačkih, razvojnih studija, programa, projekata i drugih aktivnosti.

2. Korisnici sredstava koji imaju pravo na podnošenje prijave

Pravo učešća na javnom konkursu, imaju neprofitne organizacije – udruženja koja su registrirana u Ministarstvu pravosuđa i uprave Tuzlanskog kantona, kao i neprofitne organizacije – udruženja koja su registrirana u skladu sa zakonom na entitetskom ili državnom nivou, čija je djelatnost usmjerena na zaštitu i unapređenje okoliša, te koja imaju sjedište, obavljaju djelatnost i implementiraju projekte na području Kantona.

3. Popis dokumenata koje je potrebno priložiti uz prijavu

Neprofitne organizacije – udruženja su dužna dostaviti slijedeću dokumentaciju kojom dokazuju ispunjavanje uvjeta:

- 1) rješenje o upisu u Registar udruženja kod Ministarstva pravosuđa i uprave Tuzlanskog kantona ili drugog nadležnog organa u Bosni i Hercegovini ili Federaciji Bosne i Hercegovine, iz kojeg je vidljivo sjedište udruženja na području Kantona i djelatnost usmjerena na zaštitu i unapređenje okoliša,
- 2) uvjerenje o poreznoj registraciji,
- 3) spesimen potpisa iz banke osoba odgovornih za finansije,
- 4) uvjerenje o izmirenim porezima i doprinosima za uposlenike (ukoliko ima uposlenika, zaključno sa mjesecom septembrom 2020. godine), ukoliko udruženje nema zaposlenika dužno je dostaviti izjavu ovjerenu od nadležnog organa,
- 5) izjava podnosioca prijave kojom potvrđuje da isti projekat neće aplicirati za finansiranje drugom organu istog nivoa vlasti i
- 6) projekt (ovjeren i potpisan od strane podnosioca) na posebnom obrascu.

Neprofitna organizacija – udruženje, dužno je dostaviti ugovor, sporazum i sl. kojim se dokazuje da je odobren IPA projekat.

Dokumenti se prilažu u originalu ili ovjerenjima kopiji koja ne može biti starija od 6 mjeseci, računajući od dana objavljivanja javnog poziva.

4. Projekti neprofitnih organizacija – udruženja, koji će se uzeti u razmatranje, dostavljaju se na posebnom obrascu i treba da sadrže:

- 1) naziv i opis projekta,
- 2) oblast zaštite okoliša na koju se odnosi projekat,
- 3) ciljeve projekta,
- 4) vrste aktivnosti koje će se provesti da bi se postigli postavljeni ciljevi,
- 5) ukoliko postoji partnerstvo, naziv partnera – druga neprofitna organizacija ili institucija iz javnog sektora sa dokazom o partnerstvu: (sporazum, ugovor i slično sa precizno definiranom vrstom partnerstva i načinom saradnje na projektu),
- 6) broj realiziranih stranih ili IPA projekata iz oblasti zaštite okoline (ugovor, sporazum i sl.),
- 7) očekivani rezultati,
- 8) rok realizacije projekta i
- 9) specifikacija troškova sa visinom sredstava koja se potražuju od Ministarstva (navesti detaljnu specifikaciju i posebno odvojiti stavku administrativni troškovi – režije, telefonski troškovi, kancelarijski materijal, bankovni troškovi, usluge knjigovodstvenog servisa, najam kancelarije, gorivo za prevoz i slično, a koji ne smiju prelaziti 10% od iznosa dodijeljenih sredstava od Ministarstva.

5. Osnovni kriteriji odabira

Neće se razmatrati prijave udruženja:

- 1) čiji projekat se ne odnosi na oblast zaštite okoliša kako je definirano tačkom 1. javnog konkursa,
- 2) koja su dobila finansijsku pomoć od ovog Ministarstva, ako nisu ispunili obavezu pravdanja dodijeljenih sredstava ili su istu ispunili sa zakašnjenjem od preko jedne godine,
- 3) koji ne dostave dokumentaciju za dokazivanje ispunjavanja uvjeta iz tačke 3. javnog konkursa i koji ne razrade projekat kako je definirano tačkom 4. javnog konkursa,
- 4) čiji su projekti, programi ili aktivnosti napravljeni u korist članova udruženja u iznosu većem od 10% od iznosa dodijeljenih sredstava od Ministarstva (troškovi voditelja, menadžera, koordinatora projekta...) i čiji administrativni troškovi (režije, telefonski troškovi, kancelarijski materijal, bankovni troškovi, usluge knjigovodstvenog servisa, najam kancelarije, gorivo za prevoz i slično) na projektu prelaze 10% od iznosa dodijeljenih sredstava od Ministarstva
- 5) ukoliko je obrazac projekta neuredan, specifikacija troškova nije detaljno razrađena i sl...

6. Vrednovanje projekta

Prijedlog raspodjele sredstava neprofitnim organizacijama – udruženjima daje komisija imenovana od strane ministra, cijeneći pri tome ukupan broj bodova utvrđenih na osnovu slijedećih kriterija:

- 1) oblast zaštite okoliša (do 20 bodova),
- 2) rok realizacije projekta (do 20 bodova),
- 3) ukupna vrijednost projekta (do 20 bodova),
- 4) partnerski odnos sa drugom neprofitnom organizacijom ili institucijom iz javnog sektora u realiziranju projekta (do 20 bodova) i
- 5) broj realiziranih stranih ili IPA projekata iz oblasti zaštite okoliša (do 20 bodova).

7. Opće odredbe

Neprofitne organizacije – udruženja imaju pravo na javni konkurs prijaviti najviše jedan projekat.

Maksimalan iznos koji se neprofitnoj organizaciji – udruženju može odobriti po jednom projektu je 30.000 KM.

Dodjela se može odobriti do 30% ukupno odobrenog iznosa stranog projekta.

Projekti se predaju na adresu:

Tuzlanski kanton
Ministarstvo prostornog uređenja i zaštite okoline
Pisarnica Vlade TK (Rudarska br. 57, Tuzla),
(sa naznakom: „ZA JAVNI KONKURS ZA DODJELU SREDSTAVA NEPROFITNIM ORGANIZACIJAMA ZA SUFINANSIRANJE IPA PROJEKATA – NE OTVARATI“)

Raspodjela sredstava za neprofitne organizacije – udruženja za sufinansiranje odobrenih IPA projekata će se vršiti do utroška sredstava odnosno do kraja godine. Javni poziv za dodjelu sredstava zajedno sa propisanim obrascem iz tačke 4. javnog konkursa će biti objavljen i na zvaničnoj web stranici Vlade Tuzlanskog kantona www.vladatk.kim.ba.

Neblagovremene i nepotpune prijave neće se uzeti u razmatranje.